



ZUBIETAKO UDALA
(Nafarroa)
31746

Ainhoa Mindeguia Santesteban
Martxel Elizalde Elizalde.
Txomin Hualde Elizalde
Ezekiel Loiarde Santesteban.

2025eko azaroaren 26an, 19:00etan, ohiko biltzarrean elkartzen dira Zubietako Herriko Etxean ondoan aipatzen diren zinegotziak, legeak eskatzen duen bezala deitu eta gero. Ernesto Dominguez Olea —Alkatea— da bilkurako burua eta idazkaria, Izaskun Mielgo Rey. Gai Zerrendako gai hauek aztertu dira:

1. AKTA ONARTZEA.

Udalburuak galdetu du zinegotziren batek oharren bat egin nahi ote dien deialdiarekin batera banatu ziren aurreko Bilkuretako aktei. Udalburuak bozkatzera deitu du eta Udalbatzak **aho batez erabaki du**:

1.- Aurreko bilkurako aktak onartzea, irailaren 29 eta azaroaren 19.

2. 2024KO KONTUEN LIKIDAZIOA ETA IXTEA.

Udalbatza kontuen batzorde gisa arituz, 2024ko kontuen erakustaldi publikoan alegazioarik ez dela izan ziurtatu du. Udalburuak bozkatzera deitu du eta udalbatzak **aho batez hurrengoa erabaki du**:

1.- 2024ko kontuen likidazioa behin betiko onartu eta ixtea.

2.- 2024ko kontuen likidazioa Nafar Gobernura bidaltzea.

3. 2026KO TASAK

Udalburuak 2026ko zerga, tasa eta prezio publikoak aurkeztu egin ditu. Aurkeztutako 2026ko zerga, tasa eta prezio publikoak, 2025ekoen berdinak dira, hurrengo aldagetakarekin:

- Tarifa A-1. Horniduraren kuota aldakorra atalean, etxeko erabilerako hormidura 10 metro kubiko bitartean 3,5 tik 4ra pasatzea.

Azalpenen ondoren Udalburuak bozkatzera deitu du eta Udalbatzak **aho batez hurrengoa erabaki du**:

1.- 2026ko zerga, tasa eta prezio publikoak onartzea.

2.- 2026ko zerga, tasa eta prezio publikoak Nafarroako Aldizkari Ofizialean argitaratzea.



ZUBIETAKO UDALA
(Nafarroa)
31746

4. UDALBATZAKO KIDEENDAKO ORDAINSARIAK.

Udalburuak azaltzen du, Kontuhartzaileak puntu honetako txostena egin arte hurrengo osoko bilkurararte utziko dugula

5. KUDEAKETAKO HIRIGINTZA HITZARMENA 4 POLIGONOKO 186 LURZATIA. BEHIN BETIKO ONESPENA.

Zubietako Udalak, 2025eko urriaren 17ko 63/2025 alkate ebazpenan, hasierako onespena eman zion 4. poligonoko 186 lurzatiko gestio hitzarmenari, Juan Ignacio Paul Arzak jaunak sustatua.

NAO 210 2025eko urriaren 21ean publikatu zen. Lurraldearen Antolamenduari eta Hirigintzari buruzko Foru Legearen testu bateginaren (uztailaren 26ko 1/2017 Legegintzako Foru Dekretua) 25. artikuluan ezarritakoari jarraikiz, espedientea jendaurrean egonen zen hogeit eguneko bateko epean eta ez zen alegaziorik egon. Azalpenen ondoren Udalburuak bozkatzera deitu du eta Udalbatzak **aho batez** hurrengoa erabaki du:

1.- 4.poligonoko 186 lurzatiko gestio hitzarmena behin betiko onartzea.

2.- Nafarroako Aldizkari Ofizialean erabakia argitaratzea eta Zubietako udalaren hitzarmen artxiboan gordetzea.

3.-Akordioa interesatuari jakinaraztea.

***** Pedro Hilario Santesteban Loyarte zinegotzia sartu*****

6. HIRIGINTZA IZAPIDEENGATIKO TASAK ARAUTZEN DITUEN UDAL ORDENANTZAREN ALDAKETA. HASIERAKO ONESPENA.

Udalburuk gaia azaldu du, Hirigintzako izapideengatiko tasak gaureguneratu beharra dago. Proposatzen diren aldaketak ikusita Udalburuak bozkatzera deitu eta Udalbatzak **aho batez hurrengoa** erabaki du:

1.- Zubietako Hirigintza tasa ordenantzaren hasierko aldaketa.

2.- Aldaketak erakustaldi publikoan jartzea 30 egunez NAO n argitaratzen den egunetik kontatzen hasita.



ZUBIETAKO UDALA
(Nafarroa)
31746

7. ADIERAZPEN INSTITUZIONALA 2025EKO AZAROAREN 25. EMAKUMEEN KONTRAKO INDARKERIAREN AURKAKO NAZIOARTEKO EGUNA

Kanpaina bakoitzaren **adierazpen instituzionala** Nafarroako Udal eta Kontzejuen Federazioari bidaltzen diogu Nafarroako udal guztiei berbidali diezaoten hauek kapainara atxikitu daitezzen.

2025eko azaroak 25 – Emakumeen Kontrako Indarkeriaren aurkako Nazioarteko Eguna

INDARKERIA MATXISTA DIGITALAK BADITU ONDORIO ERREALAK

Berriro ere, azaroaren 25ean, Nafarroako toki eta lurralde entitateek ahotsa altxatzen dugu emakumeen kontrako indarkeria matxista mota guztiak gaitzesteko. Indarkeriarik gabeko mundu bat aldarrikatzen dugu, non emakumeak eta neskak beldurrik gabe, askatasunez eta eskubideen berme osoz bizi daitezkeen.

Aurten, indarkeria-mota berrienetako, eta, aldi berean, ikusezinenetako batean jarriko dugu arreta: nesken eta emakumeen aurkako indarkeria digitala. "INDARKERIA MATXISTA DIGITALAK BADITU ONDORIO ERREALAK" lelopean, azpimarratu nahi dugu Interneten eta ingurune digitaletan gertatzen denak ondorio sakon, ukigarri eta mingarriak dituela eta ezin dela alde batera utzi. Indarkeria matxista aldatu egiten da eta garaietara egokitzen da, baina gure aldarrikapenak eta gaitzespenak ukiezinak izaten jarraitzen dute.

Gaur egun, ez dago indarkeria digitalaren definizio unibertsal bakar eta uniformerik. Eboluzioan dagoen kontzeptu bat da, teknologia berrien, ingurune digitalen, sare sozialen edo Interneten bidez eragindako indarkeria matxistako jokabideak biltzen dituenak. Genero Indarkeriaren aurkako Estatu Itunak indarkeria digitala eraso-modu lehenetsizat hartu du berriki, eta neurri espezifikoak hartu ditu indarkeria prebenitzeko, detektatzeko eta zigortzeko.

Askatasuna, osotasun fisikoa eta morala, berdintasuna eta duintasuna bezalako oinarritzko eskubideak urratzeaz gain, indarkeria mota hori haratago doa eta emakume gazteei eta espazio publikoan parte hartzen dutenei eragiten die bereziki. Era askotara agertzen da: ziberjazarpena eta gorroto-diskurtsoak, bikotearen kontrol digitala, onartu gabeko sextinga, groominga, sextorsioa, deepfakea bidezko irudien manipulazioa edo "mendeku pornografia" delakoa.

Inpaktuak sakonak eta errealak dira: antsietatea, depresioa, isolamendua, autozentsura eta espazio digitalak uztea. Indarkeria honek emakume gazteen ahotsak isiltzen ditu eta esfera publikoan duten parte-hartzea mugatzen du, genero-desberdintasunak indartuz. Indarkeria birtualak ondorio nabariak ditu, milaka emakumeren osasunean, segurtasunean eta bizi-aukeretan eragiten dutenak.

Datuak kezkarriak dira eta arazoaren garrantzia berresten dute. NBEk adierazi du mundu mailan emakumeen % 73k baino gehiagok jasan duela indarkeria Interneten, eta 18 eta 24 urte bitarteko neska gazteek jazarpen, sexu-jazarpen eta mehatxu fisikoak jasateko arrisku handia dutela. Europar Batasuneko 28 herrialdeetan, bederatzi milioi



ZUBIETAKO UDALA
(Nafarroa)
31746

emakumek jasan dute lineako indarkeria 15 urte zituztenetik. Gainera, bostetik bat online jazarpena eta abusua zigortzeko aukera gutxi duten herrialdeetan bizi da. Era berean, indarkeria digitalaren biktima izan direnen % 28k Interneteko jarduera nahita murriztea erabaki dute, eta sexu-edukia duten irudi intimoak baimenik gabe zabaltzen dituzten biktimen % 90 emakumeak dira.

Horregatik, Nafarroako toki eta lurralde entitateek konpromiso hauek hartzen dituzte:

1. Emakumeen aurkako indarkeria digitala indarkeria matxista gisa onartzea.
2. Tokiko eta lurraldeko eremuan lan egiten duten profesionalen prestakuntza indartzea (polizia, gizarte-zerbitzuak, hezkuntza, osasuna, etab.), indarkeria digitaleko kasuak goiz eta eraginkortasunez antzeman eta jardun ahal izan dezaten.
3. Herritarrei, bereziki gazteei eta nerabeei, zuzendutako sentsibilizazio- eta prestakuntza-kanpainak sustatzea, teknologien erabilera arduratsu eta seguruari buruz, genero-ikuspegitik.
4. Indarkeriarik eta diskriminaziorik gabeko espazio digitalak sustatzea, ikastetxeekin, komunikabideekin eta herri eragileekin elkarlanean.
5. Indarkeria digitalaren biktima diren emakumeen arretarako baliabide eta protokolo espezifikoak bultzatzea.
6. Beste erakunde, sare, elkarte eta mugimendu feminista batzuekin lankidetzan aritzea, indarkeria matxista digitala desagerrarazteko bidean modu koordinatuan aurrera egiteko.
7. Indarkeria matxista digitalaren prebentzioa, detekzioa, arreta eta erreparazioa sustatzen duten tokiko politika publikoak ezartzea.

Azaroak 25 honetan, gizarte osoa gonbidatzen dugu rol aktiboa har dezan ingurune digital, benetan aske, berdintasunezko eta segurua eraikitzeko. Konpromiso kolektiboaren bidez bakarrik lortu ahal izango dugu emakumeen aurkako indarkeriarik gabeko gizartea.

8. ESKAERAK

Ez daude eskaerarik.

9.- ALKATE EBAZPENAK.

Alkateak irakurri ditu emandako ebazpenak (56/2025- 74/2025 ebazpenak).
Udalbatza jakinaren gainean gelditu da.



ZUBIETAKO UDALA
(Nafarroa)
31746

10-. HERRIKO GAIEI BURUZKO INFORMAZIOA.

Landa Garapeneko eta Ingurumeneko Departamenduri egindako oihan aprobetxamendu eskaerak; Juan Miguel Vera--- Landa Garapeneko eta Ingurumeneko Departamenduak emandako oihan aprobetxamendu baimenak: Juan Carlos Mindegua Mutuberria--- Kantauri Hidrografikoaren Konfederazioaren ebazpenak

Ez dago galde eskerik.

Eta bertzerik ezean, 20:00ak direnean, alkate jaunak bilera akitutzat eman du, eta nik, neronek, idazkaria naizenez, ziurtatzen dut.

